

Op Platt – Över Platt

25 Jahr Schoolmesterdag:

Kultusminister verklaart Möglichkeiten für Plattdüütsch in de School

So as in de vergangen Johren harr de Landschaftsverband in'n September to'n Plattdüütschen Schoolmesterdag inlaadt. De Lehrers kömen von wiet un siet na Scheeßel, wo vör 25 Jahren al dat eerste Drepen van Uwe Wahlers, Schoolleiter von de Grundschool un siene Kollegen Fritz Holzmann un Heiner Gerken utricht worrn is. Dr. Hans-Eckhard Dannenberg, Geschäftsführer von den Landschaftsverband, un Hans-Hinrich Kahrs, Berater für Plattdüütsch an de Scholen twüschen Elv un Weser, hebbt trüggkeken op de lesden 25 Jahren un verklaart, dat de Landschaftsverband nicht blots dat Wettlesen in Scholen (seit 1977) un dat Theaterspeel (seit 1991) tohoop mit den Schoolmesterdag utrichten doot. In de lesden teihn Jahr sünd mit de Wellenbreker, dat Jugendtourneetheater (seit 1998), den Schooltheaterdag (seit 2000) grote Veranstaltungen dorto komen. De Sammlung von Plattdüütsche Texte för dat Wettlesen op de Internetsiet von den Landschaftsverband, Sketschsammlungen un de CD's mit plattdüütsche Texte, de von de Sieger bi'n Bezirksentscheid von dat Wettlesen opnahmen worrn sünd, wiest, dat sik düchtig wat daan hett. Dorto höört ook de Versammeln van de ehrenamtlichen Oblüüd för Plattdüütsch an de Scholen (seit 1998), wo de verschiedenen Veranstaltungen koordiniert ward. Dat, wat de Landschaftsverband för Plattdüütsch deit, schall ook in Tokunft utboot warrn.

In den Middelpunkt von de Veranstaltung stünn de Anspraak von Kultusminister Bernd Busemann over „de Tokunft von de Regionalspraak Nedderdüütsch in de Scholen in Neddersassen.“ Minister Busemann, de in't Emsland mit Hooch un Platt „bilingual“ opwussen is, sä, dat mit de nee'n Kerncurricula de Verbindlichkeit von dat Plattdüütsche in de Scholen grötter worrn is. De Spraakbegegnung wöör för alle Schoolstufen fastschreven un ook dä dat Sprachenlernen in Arbeitsgemeinschaften oder Projekte möglich. De Minister meen, dat Projekt för Plattdüütsch jüst ook in de eegenverantwortliche School dör dat Ministerium stütt worrn. För junge Lehrer kunn de Plattdüütsche Spraak ook een wichtigen Vördeel ween, wenn dat um de faste Anstellung in de School gung. He rööp de Schoolmesters op, dat Plattdüütsche in de freiwilligen An-

gebote von de Ganzdagsscholen optonehmen un ook in de Schoolprogramme fasttoschrievten. Mit de Bekentnis to de Regionalspraak worr ook een düütliche Verbundenheit mit de Region dokumentiert, so de Minister Busemann. Sien egen Verbundenheit mit de Region twüschen Elv un Weser worr düütlich, as he een Leesbook „Ik bün al hier“ kreeg. De Swienegel op de eerste Siet un de Hinwies op den „Wettloop twüschen Haas un Swienegel op de lüttje Heid bi Buxthud“ erinner Busemann an sienen Wehrdeenst, denn he in de Estetal-Kasernen in Buxthud' afleist hett.

Volker Holm, de Leiter von dat Plattdüütschzentrum in Ratzborg in't Lauenborgische vertöll over de Plattdüütschförderung in Schleswig-Holstein un wies na, wo verschieden dat Ünnerstütten von Spraak un Scholen is. De Internetsiet www.plattnet.de is een von de gröttsten plattdüütschen Internetsieden.

Susanne Diederichs, Fachberaterin för Nedderdüütsch in Meckelnborg-Vörpommern verklaart de Lehrerfortbildung un Zertifizierung mit Tosatzqualifikation för Nedderdüütsch. Över hunnert Lehrer harrn sick för de Fortbildung anmeld, um de Spraak „von't Ohr op de Tung“ to kriegen. Dr. Reinhard Goltz, Geschäftsführer von dat Institut för Nedderdüütsche Spraak in Bremen un de Vörsitter von den Bundesraat Nedderdüütsch, verklaart, wo swoor

sick de Bundesländer doot, dat wat se för de Charta von de europäische Regional- un Minderheitenspraken toseggt harr; ook ümtosetten. Faken wöör dor nix von to sehn ... Reinhard Goltz vertöll ook von een Projekt, wo all de aktuellen Lehrböker för Nedderdüütsch ünnersocht worrn sünd. Een systematischet Lehrbook för alle Öllersstufen fehlt aver jümmer noch. Mit een Rückblick op dat Plattdüütsche Wettlesen un een Utblick op den Schooltheaterdag in dat nächste Jahr klung de 25. Schoolmesterdag bi Kaffee un Koken ut. Hartmut Vollmer ut Zittens, de 25 Jahr lang as Obmann ehrenamtlich in den Ooltkreis Zeven för dat Plattdüütsche tostännig ween is, worr mit een Book un warme Wöör in den „Unruhstand“ verabschiedt. Sien Nafolger in dat Ehrenamt is Michael Larink ut Zittens.

Hans-Hinrich Kahrs

Landessieg för Sascha Langbehn

Bi den Landesentscheid in Wilhelmshaben kunn sik Sascha Langbehn ut Hemmoor in de Öllersgrupp F (11.-13. Klass) gegen de Konkurrenz dörsetten. Mit de Geschicht' „Ossen hunger“ hett de Jury em op den eersten Platz sett. Alina Dobschall ut Apens' is op den drüdden Platz kamen.



Gruppenbild mit Minister Busemann: 100 Schoolmesters bi dat „Jubiläum“ von den Schoolmesterdag in Scheeßel.